

**Uunga siunnersuut Ajoqusernermi sillimmasiisarfinnut qularnaveeqqusiisarnermut
aningsaasaateqarfik pillugu inatsimmi aalajangersakkani assigiinngitsuni
allannguinerup Kalaallit Nunaanni atortussanngortinneqarneranik Kalaallit Nunaanni
Namminersorlutik Oqartussat akuersissuteqarnerat**

(Digitalikkut attaveqatigiinneq, matussusiiffiit allanngortinnerat, matussusiisarfimmik
allannguneq, tapiinermut toqqammavik, ilaasortaanissamat piumasaqaat, piffissap
matussusiiffiup annertusinera, aningsaasaateqarfiup aningsaasaatai, arbejdsmarkedets
erhvervssikringip qamutinullu motoorilinnut akisussaanermik sillimmasiinerit
ilanngunneqarneri)

Aningsaasaqarnermut Akileraartarnermullu Naalakkersuisumit saqqummiunneqartoq

pillugu

Aningsaasaqarnermut Akileraartarnermullu Ataatsimiititaliap

siunnersuutip aappassaaneerneqarneranut

ISUMALIUTISSIISUTAA

Aningsaasaqarnermut Akileraartarnermullu Ataatsimiititaliap suliarinninnermini kingullermik
ilaasortarai:

Inatsisartunut ilaasortaq Asii Chemnitz Narup, Inuit Ataqtigiit, siulittaasoq

Inatsisartunut ilaasortaq Pele Broberg, Naleraq, siulittaasup tullia

Inatsisartunut ilaasortaq Peter Olsen, Inuit Ataqtigiit

Inatsisartunut ilaasortaq Pipaluk Lynge, Inuit Ataqtigiit

Inatsisartunut ilaasortaq Kuno Fencker, Siumut

Inatsisartunut ilaasortaq Karl Tobiassen, Siumut

Inatsisartunut ilaasortaq Jens-Frederik Nielsen, Demokraatit

UPA 2024-mi ulloq 11. april 2024 siullermeerinninnerup kingorna ataatsimiititaliap sunnersuut
misissorpaa.

1. Siunnersuutip imarisaa siunertaalu

Peqqussutissatut missingiummi uani ajoqusersinnaanermut sillimmasiisarfinni qularnaveeq-
qusiinermut aningsaasaateqarfiup inatsisaa pillugu peqqussutip nutarternissaa siunertaavoq.
Allannguutikkut qallunaat allannguutitut inatsisaat arlallit, qularnaveeqqusiisarnermut
aningsaasaateqarfimmuut inatsimmut allannguutinik imaqtartut Kalaallit Nunaanni atortussan-
ngortinneqarput

Peqqussummut nalimmassaernerit marlunnut avitaapput, siullermi ukiut qarasaasiat atuuffii isiginiarneqarput, aappaanilu nunatsinni ajoqusernermik sillimmasiisarnermut immikkoortoq aaqqissuuteqqinneqarluni, taamaalilluni Qularnaveeqqusiinermut aningaasaateqarfik inatsimik toqqammaveqarnerup ataani matussusiinermi, nunami najugarisami periutsimi matussusiinermut nuutsinneqarluni. Taamaalilluni niuerfik EU-mi, nunanilu EU-p isumaqati-giissuteqarfigisaani sillimmasiisarfiit Kalaallit Nunaanni sillimmasiinernik neqerooruteqar-sinnaanerannut ammaanneqarpoq. Allanguutitigut sillimmasiisarfiup Danmarkimiittup, Kalaallit Nunaanni tuniniaassisoqartumi nunatsinni atuisut assigiimmik illersugaanerat anguneqarpoq.

Ajoqusernermi sillimmasiisarfinnut qularnaveeqqusiisarnermut aningaasaateqarfik pillugu inatsit 2008-mi Kalaallit Nunaannut atortussanngortinneqarpoq, peqqussummullu allanguu-tissatut siunnersuummi 2010-mit 2023 tikillugu qallunaat inatsisaanni nutarterinerit qulit ilaatinneqarput.

2. Siunnersuutip Inatsisartunit siullermeerneqarnera

Allanguutit siunnersuutip nassatarisai nalinginnaasumik taparserneqarput. Siunnersuut Aningaasaqarnermut Akileraartarnermullu Ataatsimiititaliamit suliarineqartussanngorlugu innersuunneqarpoq.

3. Siunnersuutip imarisai ilusiligaaneralu pillugit saqqummiussinissaq siunertara-lugu Aningaasaqarnermut Akileraartarnermullu Naalakkersuisup ilisimatitsiffiu-sumik ataatsimeeqatigineqarnera

Siunnersuutip imarisai ilusiligaaneralu pillugit saqqummiussinissamik ataatsimiititaliap siunnersuummik suliarinninnerminut atatillugu Aningaasaqarnermut Akileraartarnermullu Naalakkersuisoq qinnuigaa. Siunnersuutip tunuliaqutaa, ilusia, imarisaa kingunissaalu siun-nersuummik suliarinninnermi Inatsisartunut ersarissuunissaat ataatsimiititaliamit pingaartinne-qarpoq.

4. Ataatsimiititaliap siunnersuummik suliarinninnera

Siunnersuummik siullermeerinninnermi siunnersuut taparserneqarmat ataatsimiititaliamit oqaatigineqassaaq. Siunnersuutip imarisaa tunuliaqutaalu nalinginnaasumik iluarisimaarne-qarput. Ataatsimiititaliamit kissaatigineqartumik siunnersuutip imarisaanik ilusiligaaneranillu Naalakkersuisut saqqummiussaataq ilanngussaaq 1-itut ilanngunneqarput.

Kalaallit Nunaanni pissutsinut naleqqussaanerit pillugit eqikkaaneq ilanngunneqartoq ataatsimiititaliamit innersuussutigineqassaaq. Naleqqussaanerit taakku nalinginnaasumik taparser-neqarmata ataatsimiititaliamit aamma oqaatigineqassaaq.

Kiisalu inatsimmut naleqqussaataatissatut siunnersuutigineqartunut toqqaannartumik attuumassu-teqanngitsunik siullermeerinninnermi ataasiakkaanik oqaaseqaateqartoqartoq ataatsimiitita-liamit maluginiarneqarpoq. Oqaaseqaatigineqartut ukununnga tunngapput:

- Suliassaqarfik pillugu nammitsinnik maleruagassiornissatsinnik kissaat, taamaalillunilu nunatsinni pissutsit avataanit maleruagassiorneqarnissaat pinngitsoortinniarlugu.
- Kalaallit Nunaanni najukkani ingerlatsisunik siuarsaanissaq, suliagarfimmi najukkami ingerlatsisunik pilersitsinermik peqataaqataasinnaasoq, taamaalillunilu aningaasat nunatsinnit avammut annissorneqarnerat pinngitsoortinneqarluni, taarsiulluguli Kalaallit Nunaanni aningaasaqarnermut iluaqutaasumik nalilinnik pilersitsisoqassalluni.
- Kiisalu sillimmasiissutit sunut matussusiinersut sillimmasiisunit naatsorsuutigineqarsinnaaqullugu sillimmasiissutit allagartaasa paasinarnerunissaat ujartorneqarpoq.

Immikkoortut taakku allamut atatillugu oqallisigineqarnissaminnut naleqquttut ataatsimiititaliaq isumaqarpoq, taamaattumillu ataatsimiititaliap matuma kinguliani siunnersuummut inassuteqaataa tamatuminnga sunnerneqanngilaq.

5. Siunnersuutip aningaasaqarnikkut kingunerisassai

Aningaasaqarnikkut kingunerisassat siunnersuummi allassimasut ataatsimiititaliamit tusaatissatut tiguneqarput.

6. Ataatsimiititaliap inassuteqaatai

Siunnersuut akuerineqassasoq ataatsimiititaliap isumaqatigiittup inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.

Asii Chemnitz Narup
Siulittaasoq

Pele Broberg
Siulittaasup tullia

Karl Tobiassen

Pipaluk Lyngø

Kuno Fencker

Peter Olsen

Jens-Frederik Nielsen